



Gerardus ex nobili familia à Berck natus, atque à teneris annis literis addicatus fuit. Unde doctrina & pietate præstantissimis uiris suo tempore equalis extitit. Is primò Decanus Hildesheimensis, postea præsul Verdenſis electus est. Cum autem eam functionem dextrè administraret, atque interim Hildesheimensis Ecclesia suo pastore destitueretur, eius loci 38 Episcopus cõstitutus fuit. Erat autem is non tantùm eruditione & pietate, uerùm etiam insigni animi & corporis fortitudine præditus. Itaque primò nobiles per suam diocœsin rapinas exercentes coercuit, atq; ad meliorem frugem reduxit. Postea cum Magno duce

Brunſuicensium bellum suscepit, qui Hildesheimenses aliquandiu afflixerat, atq; hostiliter eorum terras populatus erat. Cum autem ipse aliquando in conflictu præſens esset, atq; sui milites hostium multitudine terrentur, ipsos sua facundia animauit, atq; sinum ostendens, in quo sanctorum reliquias secum deferrebat, dixit, sese hic mille fortissimos uiros secum deferre.